

# **Kommuneqarfik Sermersooq**

**MA - Meeqqanut Atuarfeqarnermullu Ataatsimiititaq / Udvalg for  
Børn og Skole (190205 Ileqqusumik ataatsimiinneq)**

**05-02-2019 16:00**

**Kommunalbestyrelsip ataatsimiittarfia**

# Mødeindhold

Punkt	Side
<a href="#">Punkt 0: Saqqa</a>	1
<a href="#">Punkt 1: Oqaluuserisassat akuerineqarneri</a>	2
<a href="#">Punkt 2: Nalunaarutit</a>	3
<a href="#">Punkt 3: Ilisimatitsissutit</a>	4
<a href="#">Punkt 03A: Mind Your Own Business-imik suliniummik aallartisarneq</a>	5
<a href="#">Punkt 03B: NUIF ilisimasaqarfittut</a>	8
<a href="#">Punkt 4: Aalajangiiffigisassat</a>	11
<a href="#">Punkt 5: Suliat Aningaasaqarnermut Inuussutissarsiornermullu Ataatsimiititamut</a>	12
<a href="#">Punkt 05A: Piginnaatitsinermik agguataarinissamut pilersaarut</a>	13
<a href="#">Punkt 6: Taasariaqartut allat</a>	15
<a href="#">Punkt 7: Suliat matoqqasut</a>	16
<a href="#">Punkt 8: Imaqarniliap akuerineqarnera</a>	17

## Punkt 0: Saqqa

Henrik Rachlev (IA)

Knud Mathiassen (IA)

Uju Petersen (IA)

Thiiooq Knudsen (S)

Michael Rosing (SA)



## Punkt 2: Nalunaarutit

2A. Siulittaasumit nalunaarutit

2B. Ingerlatsivimmit nalunaarutit



## **Mind Your Own Business-imik suliniummik aallartisarneq**

Ilisimatitsissut

J nr: 51.00-G01-390-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

### **Suliassamik eqikkaaneq**

Mind Your Own Business tassaavoq kattuffik Tuborgfondet-imit taperneqartartoq.

Inuussutissarsiortut innuttaasullu suleqatigalugit nukappiaqqat gruppikkaartut imminnut tatigeqqilernissaat ilinniarusussuseqaqqilernissaallu pilersinniarlugit periarfissanik pilersitsisoqarniarpoq.

Pilersitsineq aallaavigalugu nukappiaqqat suliassanut piginnaaneri, inoqatinut attaveqarneri kiisalu ilinniagaqarnermut suliffeqarnermullu attaveqaataat pitsanngorsarlugit ingerlatsisisoqalerpoq.

Inuussutissarsiortut innuttaasullu suleqatigalugit nukappiaqqat namminneq suliffeqarfeeqqanik pilersitsisinnaangorlugit ikiorneqassapput, toqqissisimanartumik avatangiisilerlugit. Tassa imaappoq, nukappiaqqat najukkaminni sulianut atatillugu ilinniagalinnik innuttaasunit kajumissutsiminnik suliaqartunit kiisalu inuussutissarsiortunit nukissalinnit tapersorneqassapput.

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa

- Ilisimatitsissut tusaatissatut tiguneqassasoq.

### **Suliassamik saqqummiussineq**

Suliniut, Mind Your Own Business, aallartisarneqarpoq nukappiaqqat atuakkersornermi sanngiitsut atuakatattullu anguniarlugit. Suliniut Kommuneqarfik Sermersuup Mind Your Own Business-ilu suleqatigiillutik juunip ulluisa aallaqqaataa 2021 ilanngullugu ingerlatissavaat.

Suliniutip ingerlanera arlalinngorlugu agguataarneqarpoq siullerlu sap.ak. 10-imit sap.ak. 21 2019 ilanngullugu ingerlanneqassaaq. Taanna agguataarlugu ingerlanneqassaaq 2021 tikillugu.

Suliniut inuussutissarsiuteqartut innuttaasullu suleqatigalugit nukappiaqqat gruppikkaartut imminnut tatigeqqilernissaat ilinniarussuseqaqqilernissaallu pilersinniarlugit periarfissanik pilersitsisoqarniarpoq. Nukappiaqqat arlallit nuutsinneqartut nukappiaraapput imminnut tatigiunnaarnikut atuarusussuseerunnikullu.

Pilersitsineq aallaavigalugu nukappiaqqat suliassanut piginnaaneri, inoqatinut attaveqarneri kiisalu ilinniagaqarnermut suliffeqarnermullu attaveqaataat pitsanngorsarlugit ingerlatsisisoqalerpoq.

Inuussutissarsiortut innuttaasullu suleqatigalugit nukappiaqqat namminneq suliffeqarfeeqqanik pilersitsisinnaangorlugit ikiorneqassapput, toqqissisimanartumik avatangiisilerlugit. Tassa imaappoq, nukappiaqqat najukkaminni sulianut atatillugu ilinniagalinnik tapersorneqassapput - najukkami suleqateqarnikkut, innuttaasut kajumissutsiminnik suliaqartunit- piareersaatitut kiisalu inuussutissarsiorterup iluanit nukissalinnit - suliffeqarfinnit siunnersortinik tapersorneqassapput.

Gruppi tamarmik nukappiaqqanik 10-12 -inik inuttaqassapput aallarniutitut sammisassat aallartinnginnerini inissereersimassallutik. Qaammatit arfineq-pingasut ingerlanneqassaaq juunip ulluisa aallaqqaataa 2021 tungaanut isumaqatigiissutip naanissaata tungaanut arlaleriarluni ingerlanneqartassalluni.

Suliffeqarfinni assiigiinngitsuniit suliffeqarfinit siunnersortit suleqatigalugit tapersersortigalugillu nukappiaqqat namminneq suliffeqarfimmik pilersitsissapput akisussaaffigilerlugillu. Nukappiaqqat suliffeqarfissaat taaguuteqassapput suliffeqarfeeqqat.

NUIF ilisimasani katersivittut kommune sinnerlugu ataqatigiissaarisuussaaq. NUIF nukappiaqqat nuutsinneqarnissaannut sulisumik innersuussissaaq nukappiaqqallu ataatsimut katersorlugit.

Nukappiaqqat klubbimit ataatsimiit imaluunniit klubbiniq arlalinneersuusinnaapput.

Pingaarnersaavorli imminnut ilisarisanissaat toqqissisimanissaallu. Sulisup suliassaa tassaavoq gruppi katersornissaa taakkulu imminnut qanillinissaat. Qulakkiissavaat toqqissisimanissaat kajumissuseqalernissaallu, pilersaarusiornermi ikiuullutik aamma atuarfimmu angersarimaffimmullu attaveqarnissaat.

Suliffeqarfeeqqani ikittunnguakkuutaarlutik nukappiaqqat suliaminnut tunniulluinnarlutik pissapput. Suliffeqarfinni siunnersortit suliffeqarfeeqqat anguniagalersussavaat nukappiaqqat qanimut naligeeqatigalugit suleqatiginerisigut. Nukappiaqqat GE-imi Venture Camp-ilu Grønlandskbankimi naapittassapput.

### *Aningaasatigut sulisoqarnikkullu naliliinerit*

Mind Your Own Business ingerlarnaq ataaseq 30.000 koruuninik naleqarpoq taakku ingerlatsinermi atuutereersumi tiguneqassapput. Taakku saniatigut nerisaqarnermut aningaasartuuteqassaaq sapaatip akunneranut ataatsimiinnermi atugassanut kiisalu suliniummik atatillugu ataatsimiinnernut allanut atugassat.

Suliffeqarfeeqqat sammineranni nukappiaqqat angalaneranut kommunimilu sulisunut aningaasartuutit Kommuneqarfik Sermersuup isumagissavaa.

### *Inatsitigut tunngavissaq allakkallu tunngaviummik uppernarsaatitallit*

Suleqatigiinnissamut isumaqatigiissummi anguniarneqarpoq: "2020-imi Kommuneqarfik Sermersuumi atuartut 80 %-ii inuusuttut ilinniagaannik ingerlataqaleriissapput".

Suleqatigiinnissamik isumaqatigiissummi anguniarneqarpoq ilisimasat naapertorlugit nukappiaqqat niviarsiaqqaninngarnit ikinnerit ilinniaqqilertartut.

### *Ingerlariaqqinnissaq*

Suliniut "Mind Your Own Business" suleqatigalugu juunip aallaqqaataa 2021 tikillugu arlaleriarluni ingerlanneqartassaaq.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq.

### **Innuttaasunik peqataatitsineq/attaveqatigiinneq**

Atuarfinni pisortat NUIF-ilu ingerlaneranut peqataatinneqarput. Matumani paasinarsivoq, atuartunut imminnut tatiginngitsunut naleqartinngitsunut piginnaasaqarnerminnillu upperinnilerseqqinnissaat anguniarlugu suliniutitsialaasoq.

GE ilaasortaasalu suliniut tapersersorpaat aallartippallu suliniummik peqataalluinnartussaapput.



**Ingerlatsivinniit allaniit oqaaseqaatigineqartut**

Soqanngilaq

**Ilanngussat**

1. Piffissaliussaq
2. Suliniutimmi pilersaarut

## **NUIF ilisimasaqarfittut**

Ilisimatitsissut

J. nr.: 28.00.00-G01-58-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

### **Suliassamik eqikkaaneq**

NUIF-ip ilisimasaqarfittut kiisalu sulisut klubbillu piginnaasaannik annertusaaneq pillugit suliniut aallartereerpoq.

NUIF-ip inerisarnissaanut klubbimilu sulisut piginnaasaasa annertusarnissaannut ukioq manna 450.000 koruuninik immikkoortitsisoqarpoq.

Meeqqanut inuusuttunullu sammisassaqaqtitsinerit anguniagaqarfiunerullutillu pitsaassutsikkut qulakkeersimanissaat anguniarlugu suliniuteqarnikkut klubbimi piginnaasanik annertusaanissaq anguniarneqarpoq. Tamatumunnga peqatigitillugu meeqqanut inuusuttunullu pitsaaliuutaasumik, aqutissiuussisumik siunnersuisuusumillu klubbit tunniussaqaassapput.

NUIF-ip ilisimasaqarfittut inissisimalerpat NUIF ataqatigiissaarisutut sammisassanik amerlanerusumik isumaginniffittut inissisimalissaaq. Tamatumunnga peqatigitillugu aqqissuussat NUIF-imit ima aqqissuunneqassapput klubbini sammisassaqaqtitsiviit piffissani assigiinngitsuni ingerlatassanngorlugit agguataarneqassallutik.

NUIF-ip ilisimasaqarfittut inerisarneqarnissaanut ataqatigiissarneqarnissaanullu suliniuteqarnermi NUIF-ip ulluinnarni aqutsisua taavalu ulluunerani neqerooruteqartarnermut immikkoortortami perorsaanermut siunnersortip kiisalu klubbimi sulisut suleqatigalugit ingerlanneqarpoq.

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigineqarpoq

- Ilisimatitsissut tusaatissatut tiguneqassasoq

### **Suliassamik saqqummiussineq**

Ukioq 2017-imi NUIF-imi aqutsisut sulisullu piginnaasaannik annertusaanermut sulineq kiisalu NUIF-ip qitiusumik ilisimasaqarfittut aallartisarneqarnera aallartinneqarpoq.

Klubbimi aqqissuussaaneq nutaaq suliarineqarpoq tassanilu NUIF-ip aqutsisua Nuummi klubbinut suliatigut aqutsisunngortinneqarluni. Klubbini ataasiakkaani AKO aqutigalugu aqutsisuusut suli sulisunut aqutsisuutinneqarput.

NUIF-ip ilisimasaqarfittut atornerani klubbini ataasiakkaani sammisassaqaqtitsinerit ima ataqatigiissarneqassapput meeqqat inuusuttullu sammisassanik assigiinngitsuunerusunik neqeroorfigineqartussanngorlugit. Tamatuma saniatigut klubbini sulisut NUIF-imit siunnersorneqarnissamik, workshoppertitsinissamik suliatigullu inerisaanissamik neqerooruteqassapput. Tamatuma saniatigut NUIF aqutigalugu atuisut nalunaarsorneqassapput, nalunaarsuinermilu klubbimik atuisuusut qanoq ittuusut takuneqarsinnaalluarnerussammata.

NUIF-imi ulluinnarni aqutsisup ulluunerani neqerooruteqartarnermut immikkoortortami perorsaanermut siunnersorti suleqatigalugu atuisunik peqataatitsinermik ingerlataqarpoq, tassanilu klubbini sammisassat qanoq sumilu ataqatigiissarneqarlutik aallartisarneqarsinnaasut

misissugaralugit. Klubbit ataasiakkaat sunik periarfissaqarnersut takuniarlugu kiisalu klubbini assigiinngitsuni sulisut kissaataat tusarniarlugit klubbini ataasiakkaani immikkoortitsineq tunngavigalugu taamatut iliortoqarpoq. Klubbip susassaqaarfittut misissornerqarneratigut Nuummi klubbinut sorlernut sammisassanik sorlernik pilersaarusiornissamut toqqammaviliisoqassaaq. Klubbimi sulisut siuarsarnissaat aamma piginnaasaasa annertusarnissaat pillugit SPS-imik oqaloqateqarneq aallartinneqarpoq.

NUIF-ip ilisimasaqarfittut suliarineqarnera ilutigalugu MIA-p aasaanerani asiliartarnerup ataqatigiissarneqartarnera NUIF-imit akisussaaffigineqalerpoq. Aasap qaammataanni inuusuttut feeriarlutik aallarnek ajortut MIA-p aasaanerani asiliartarnissamut neqeroorfigitissapput.

NUIF-ip ilisimasaqarfittut siunissami ungasissumi piukkunnaateqalereerpat klubbinut tamanut inerisakkanut sulisut piukkunnarsarneqarnissaannut NUIF pilersaarusiussaaq.

Klubbit akimorlugit sammisassanik amerlanerusunik inuusuttut periarfissaqartinneqarnerulernissaat neqeroorutiginnaalerumallugu NUIF-ip ilisimasaqarfittut inerisarniarneqarnerani siunertaavoq. Tamatuma saniatigut sammisassat inuusuttut soqutigisaat, soorlu e-sport, naleqqussakkat mutillu neqeroorutaasinnaassapput.

NUIF ataqatigiissarisutut akisussaaffeqalissaaq, taamaalillutik klubbini tamani sammisassat assigiiaarunnaarlutik klubbini susassaqaarfimminni immikkut pikkoriffeqalernissaat anguniarneqarluni. Klubbini assigiinngitsuni sapaatip-akunnerini immikkut sammisaqartitsisoqartarnissaa NUIF-imitaaq ataqatigiissarneqartassaaq.

Klubbini neqerooruterpassuit inuusuttunit atorluarneqarnerulernissaat aqqusinnermilu piffissamik atuinerujunnaarnissaat siunissami ungasinnerusumi anguniagaavoq, taamaalillutik ilorraap tungaanut saatsikkiartorneqarnissaannut pitsaasumik sunnerneqassallutik.

### *Aaqqiissutissatut siunnersuut – suliatigut naliliineq*

Misissuinerit assigiinngitsut naapertorlugit paasisat imaapput, meeqqat inuusuttullu sammisassanik ataatsimoorfigisinnaasaannik neqeroorfiginerisigut ilorraap tungaanut saatsikkiartorneqarsinnaammata pinaveersaartitsineq pitsaanerpaaq taannaasoq. Klubbit akornanni suleqatiginnerunissaaq anguniarlugu sammisassatullu neqeroorutit amerliniarlugit, meeqqat inuusuttullu aqqusinnermiikkunnaarnissaat anguniarlugu sammisassanik neqeroorfigineqartalissapput.

Inuusuttunik sammisassaqaartitsisarneq, klubbini assigiinngitsuni neqeroorutit aaqqissuussaananerit, sammisassat qanoq atuutsinneqarnersut kiisalu inuusuttut "katatat" pinaveersaarniarlugit sulisut qanoq pitsaanerpaamik atornerqartarnersut paasisaqaarfigineruniarlugit paasisaqaarfigineruniarlugillu Danmarkimut paasisassarsiorluni angalanissaaq pilersaarutigineqarpoq.

### *Aningaasaqarnikkut sulisoqarnikkullu naliliinerit*

Ukioq 2019-imi aningaasat immikkoortinneqartut tamaasa atorsimanissaat naatsorsuutigineqarpoq.

Ukioq 2018-imi aningaasat immikkoortinneqartut suliap aallarnisarnissaanut sulisunillu pikkorissartitsisoqannginneranik peqquteqartumik atornerqanngillat. Pikkorissartitsinissat SPS suleqatigalugu inerisarneqarput.

### *Inatsisitigut tunngavissaaq allakkallu tunngaviusumik uppernarsaatitallit*

Suleqatigiinnissamut isumaqatigiissummi anguniarneqarpoq:

”Inuusuttunut klubbini neqeroorutit inuusuttut taavalu NUIF qitiusumik ilisimasaqarfittut suleqatigalugit nutaaliangorsarneqassapput.” aamma

”Klubbini ornittakkanilu sulisut piukkunnarsarneqasapput taavalu coachingimik supervisionimillu neqeroorfigineqassallutik.”

### *Ingerlariaqqinnissaq*

Inuusuttut erloqissuteqartut qanoq sullinneqartarnersut takuniarlugu Odensem ut Københavnimillu aprillip qaammataani paasisassarsiorluni angalasoqassaaq. Tamatumunnga peqatigitillugu sammisassat suut neqeroorutaasarnersut qanorlu aaqqissugaanersut takuniarneqassapput.

### **Aningaasaqarnermut Allatseqarfimmit oqaaseqaatit**

Soqanngilaq

### **Innuttaasunik peqataatitsineq/attaveqaqatigiinneq**

Innuttaasunik peqataatitsisoqanngilaq

### **Ingerlatsivinniit allaniit oqaaseqaatigineqartut**

Soqanngilaq

### **Ilanngussat**

Soqanngilaq





## **Piginnaatitsinermik agguataarinissamut pilersaarut**

Aalajangiiffigisassaq

J nr: 00.00.00-A00-1052-18

Suliffeqarfimmi Kiffartuussivik – Kommunaldirektøri Lars Møller-Sørensen / LMSR

### **Suliassamik eqikkaaneq**

Qinikkat Allatseqarfiata piginnaatitsinermut agguataarinissamut tamanut atuuttussaq suliarisimavaa. Piginnaatitsinermik agguataarinissamut pilersarummi tamanut atuuttussami takuneqarsinnaavoq, aalajangiisinnaanermut piginnaatitsissutit Kommunalbestyrelsip, ataatsimiititat allaffeqarfimmilu sulisut akornanni qanoq agguataarneqarsimanersut.

Piginnaatitsinermik agguataarinissamut pilersaarummi ingerlatsivinni tamani qinikkanut sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaaneriniq nalornisoqarsinnaanera pinaveersaartinneqassalluni.

Piginnaatitsinermik agguataarinissamut pilersaarut ataatsimiititani ataavartuni, Aningaasaqarnermut Inuussutissarsiornermullu Ataatsimiititami Kommunalbestyrelsimilu politikkuq oqaluuserineqassaaq.

Meeqqanut Atuarfeqarnermullu Ataatsimiititaq qinnuigineqarpoq piginnaatitsinermik agguataarinissamut pilersaarummi Meeqqanut Ilaqutariinnullu Ataatsimiititamut tunngasortaa kisiat isummerfigeqqullugu.

### **Inassuteqaat**

Suliffeqarfimmi Kiffartuussiviup Meeqqanut Atuarfeqarnermullu Ataatsimiititamut innersuussutigaa:

- piginnaatitsinermik agguataarinissamut pilersaarut Meeqqanut Atuarfeqarnermullu Ataatsimiititamut tunngasoqakuersissutigineqassasoq
- suliaq Aningaasaqarnermut Inuussutissarsiornermut Ataatsimiititamut Kommunalbestyrelsimullu inaarutaasumik akuersissutigisassanngorlugu ingerlateqqinneqassasoq

### **Suliassamik saqqummiussineq**

Qinikkat Allatseqarfiata piginnaatitsinermut agguataarinissamut tamanut atuuttussaq suliarisimavaa. Piginnaatitsinermik agguataarinissamut pilersarummi tamanut atuuttussami takuneqarsinnaavoq, aalajangiisinnaanermut piginnaatitsissutit Kommunalbestyrelsip, ataatsimiititat allaffeqarfimmilu sulisut akornanni qanoq agguataarneqarsimanersut.

Piginnaatitsinermik agguataarinissamut pilersaarummi ingerlatsivinni tamani qinikkanut sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaaneriniq nalornisoqarsinnaanera pinaveersaartinneqassalluni.

### **Aaqqiissutissatut siunnersuut – suliatigut naliliineq**

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, aammalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit suliarineqarpoq.

Piginnaatitsinermik agguataarinermut pilersaarut aalajangiiffigisassat aalajangersimasut tamaasa imarai, kommunalbestyrelsimiinngikkunit imaluunniit Aningaasaqarnermut Inuussutissarsiornermullu Ataatsimiititamut, ataatsimiititanut ataavartunut imaluunniit allaffeqarfimmut suliaassanngortinneqarsimasut. Piginnaatitsinermik agguataarinissamut pilersaarummi allaffeqarfiup iluani aalajangiinissamut piginnaatitsissutiit agguataarneqarnissaat malittariassaliorneqanngilaq. Taamaattumik nammineq ingerlatsiviit iluminni naleqquttunik pilersaarusiortarnissaat sulii pisariaqassaaq.

Kisianni suliat sulluunniit piginnaatitsinermik agguataarineq eqqarsaatiginngikkaluarlugu kommunalbestyrelsimut imaluunniit Aningaasaqarnermut Inuussutissarsiornermullu Ataatsimiititamut aalajangiiffigisassanngorlugit saqqummiunneqartassapput, suliaq pingaaruteqarpat imaluunniit kommunimut tunngaviatigut pingaaruteqarpat imaluunniit immikkut ittunik peqquteqarpat.

Piginnaatitsinermik agguataarinermut pilersaarut suliaasaqarfimmut makkununga agguataagaavoq:

- Tamanut tunngasut
- Aningaasaqarneq
- Suliffeqarfimmut Sulisunullu
- Sanarfinermut Avatangiisinullu Ingerlatsivik
- Meeqqanut Ilaqutariinnullu Ataatsimiititamut
- Meeqqanut Atuarfeqarnermullu Ataatsimiititamut
- Isumaginninnermut Suliffeqarnermullu Ataatsimiititamut

Piginnaatitsinermik agguataarinissamut pilersaarut ataatsimiititani ataavartuni, Aningaasaqarnermut Inuussutissarsiornermullu Ataatsimiititami Kommunalbestyrelsimilu politikkuq oqaluuserineqassaaq. Piginnaatitsinermik agguataarinissamut pilersaarut inaarutaasumik akuerineqareerpat aalajangiinissamut piginnaatitsissutiit agguataarneri atuutissapput siusinnerusukkuq qanorluunniit ittunik aalajangiisoqarsimagaluarpat.

*Aningaasaqarnikkut sulisoqarnikkullu naliliinerit*  
Soqanngilaq

*Inatsisitigut tunngavigisaq allakkallu tunngaviusumik uppernarsaatitallit*  
Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq  
Kommuneqarfik Sermersuumi Aqutsinermi Ilaqqoreqqusat.

*Ingerlariaqqinnissaq*  
Piginnaatitsinermik agguataarinissamut pilersaarut akuerineqareerpat ingerlatsiviit aalajangiinissamut piginnaatitsinermik pilersaarutit siunissami aagguataarneqarnissaat pillugu ilisimatinneqassapput.

## **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq.

## **Ilanngussat**

1. Kommuneqarfik Sermersuumut Piginnaatitsinermik agguataarinissamut pilersaarummut siunnersuut.







